

歷代帝王宅京記卷六

崑山顧炎武著

吳縣朱記榮校刊



關中四

唐

舊唐書

中開多參用册府元龜及新唐書更不分別

高祖本紀曰武德元年

夏五月改隋大興殿為太極殿昭陽門為順天門

秋七月庚申詔隋氏離宮游幸之所並廢之

冬十月以武功舊宅為武功宮

五年秋七月甲寅作宏義宮

在宮城外西偏

初秦王居宮中承

乾殿帝以秦王有定天下功特降殊禮別建此宮以居之

歷代帝王宅京記卷六

一

朱氏槐廬校刊

六年夏四月己未以故第為通義宮

冬十一月庚戌以奉義監為龍躍宮

帝龍潛時莊舍也

武功宅

為慶善宮

七年夏五月丙戌作仁智宮於宜君縣

宜君縣置於古

兆郡時屬宜州

八年夏四月甲申作太和宮於終南山

長安城南五十

和宮

冬十月營永安宮改名大明宮以備太上皇清暑

九年夏六月改東宮宏禮嘉福等門為光宣門

太宗本紀曰貞觀三年夏四月乙亥太上皇徙居宏義

宮更名太安宮甲午上始御太極殿

馬周傳曰周爲監察御史上疏曰臣伏見大安宮在城之西其牆宇門闕之制方之紫極尙爲卑小臣伏以皇太子之宅猶處城中大安宮至尊所居更在城外雖太上皇游心道素志存清儉陛下重違慈旨愛惜人力而蕃夷朝見及四方觀者有不足瞻仰焉臣願營築雉堞修起門樓務從高敞以稱萬方之望則大孝昭乎天下矣

二十年秋七月辛亥宴五品以上於飛霜殿殿在元武門北因地形高敞層閣三城軒欄相注又引水爲潔淥池樹白楊槐柳與陰相接以滌炎暑焉

冬十月司空房元齡及將作大匠閻立德大營北闕制
歷代帝王宅京記卷六 二
顯道門觀並成

二十一年夏四月乙丑作翠微宮籠山爲苑自初栽至於設幄九日而罷宮正門北開謂之雲霞門視朝殿名翠微殿其寢殿名含風殿并爲皇太子構別宮去臺連延里餘正門西開名金華門內殿名喜安殿

秋七月丙申作玉華宮於宜君縣之鳳凰谷帝手詔曰朕聞上代無爲簷茅而砌土中季華用檻玉而臺瓊燥溼之致雖同奢儉之情則異朕承皇王之緒執造化之綱包萬類於心端圖八紘於目際夷夏一軌區宇大同每流鑑於前經常披懷而自勸思所以收驕閉逸卷欲除華而頃年以來憂勞煩結暨至茲歲風疾彌時重以

景熾流金風揚溽暑遄迴幾度旭暮增勞俯仰巖廊寢
興添弊唯冀廓景延涼蕩茲虛憊近因羣下之志南營
翠微本絕丹青之工纔假林泉之勢峰居隘乎蚊睫山
逕險乎焦原雖一己之可娛念百僚之有倦所以載懷
爽塏爰制玉華故遵意於樸厚本無情於壯麗尺版尺
築皆悉折庸寸作寸功故非虛役猶恐遐邇乖聽方輿
怨咨非其樂勞人而竭力好峻宇而雕牆但以養性全
生不獨在私在己怡神祈壽良以爲國爲人比者屢有
征行非無疲頓前歲問罪遼左去秋巡幸靈州今復土
木頻興營繕屢動永言思此深念人勞一則以慙一則
以愧何則匈奴爲患自古弊之十月防秋人血丹於水

歷代帝王宅京記卷六

三

朱氏槐廬校刊

脈千里轉戰漢骨皓於塞垣當此之疲人不堪命尙興
未央之役猶起甘泉之功今則毳幙穹廬取爲郡縣天
山瀚海分爲苑池去既往之長勞成將來之永逸譬迴
一年之役創此新宮想志士哲人不以爲言也布告黎
庶明此意焉宮旣成正門謂之南風門殿覆瓦餘皆葺
之以茅帝以意在清涼務從儉約匠人以爲層巖峻谷
元覽遐長於是疏泉抗殿包山通苑皇太子所居南風
門之東正門謂之嘉禮門殿名暉和殿其官曹寺署並
皆創立微事營造庶物亦擾市取供而折番和雇之費
以巨萬計億矣及帝行幸敕奉御王者積於顯道門內
起紫微殿十三間文甍重基高敞宏壯帝見之甚悅

后妃

傳徐賢妃上疏諫太宗曰北闕初建南營翠微曾未移時玉華創制蓋二年之中興此三役貞觀之政於此少衰

高宗本紀曰永徽二年秋七月癸巳詔廢玉華宮爲佛寺苑內及諸曹司舊是百姓田宅者並還本主
戊戌改名九成宮爲萬年宮

三年夏四月新殿成移御之日謂侍臣曰朕性不宜熱所司頻奏請造此殿既作之後深懼人勞今既暑熱朕居屋下尙有流汗匠人暴露實爲可愍長孫無忌曰聖心每以恤人爲念臣等不勝幸甚

五年春三月戊午幸萬年宮帝謂太尉長孫無忌曰此宮非直涼爽宜人且去京不遠朕離此十年屋宇無多

歷代帝王宅京記卷六

四

朱氏槐廬校刊

損壞昨者不易一椽一瓦便已可安不知公等得安堵未曹司廨署周足未乃親制萬年銘并序七百餘字羣臣請刊石建於永光門詔從之

冬十月癸卯築京師羅郭和雇京兆百姓四萬一千人板築三十日而罷起觀於九門

顯慶九年夏六月改東宮宏教殿爲宗教殿

龍朔二年夏四月辛巳作蓬萊宮正門曰丹鳳正殿曰含元含元殿之後曰宣政宣政左右有中書門下二省

宏文館史館

蓬萊宮即大明宮亦曰東內程大昌曰大明宮地本太極宮之後苑東北面射殿之

地在龍首山太宗初於其地營永安宮以備太上皇清暑雖嘗改名大明宮而太上皇仍居大安宮不曾從入

龍朔二年高宗苦風痺惡太極宮卑下故就修大明宮改爲蓬萊宮取殿後蓬萊池以爲名

三年春二月賦雍同等十五州民錢減百官以月俸助作蓬萊宮夏四月丙午蓬萊宮含元殿成上始移居之更名故宮曰西內故宮謂太極宮自武德以來人主居之自是以後謂之西內戊申始御紫宸殿聽政

冊府元龜曰初遣司稼少卿梁孝仁監造悉於庭院列白楊樹右驍衛大將軍契苾何力入宮中縱觀孝仁指白楊曰此木易長不過二三年宮中可得蔭映何力不答但誦古詩曰白楊多悲風蕭蕭愁殺人孝

仁遽令拔去之更植梧桐新書契苾何力傳同孝仁作修仁

乾封二年春二月辛丑復以萬年宮爲九成宮咸亨元年春三月丁丑改蓬萊宮爲含元宮

歷代帝王宅京記卷六 五

朱氏槐廬校刊

四年秋七月庚午九成宮太子新宮成上召五品已上諸親宴太子宮極歡而罷

永淳元年春二月新書在秋七月作萬泉宮於藍田

武后長安元年冬十一月戊寅改含元宮爲大明宮十二月改含元殿爲大明殿

中宗神龍元年春二月復改大明殿爲含元殿

景龍元年秋八月戊寅改元武門爲神武門樓爲制勝樓

睿宗景雲元年冬十月以大內宮爲太極宮

元宗開元二年秋七月甲寅作興慶宮初則天之世長安城東隅民王純家井溢浸成大池數十頃號隆慶池

池在隆慶坊多程大昌曰帝慶坊之興若符湧為小池周
然而傳會者多六典所記隆慶坊有井忽湧為小池周
然其十數丈常有雲氣或黃龍出其中至景雲間潛復出
水其沼浸廣里人悉移居遂鴻洞為龍池然予詳而考
之長安志曰龍池在躍龍門南本是平地自垂拱初以
後因雨水流潦為小流後又引龍首渠分水溉之日載
滋廣至龍池又彌曰數頃深至數丈常有雲龍自此祥後
因謂之龍池志曰又曰隋城外東南角有龍首堰自此堰
南流經北流至長樂城分為二渠其西渠自永嘉坊西
溢之力也至六典所記則全沒導漑之實乃言初時井上
在藩邸與宋王成器等列第於其北望氣者言常鬱鬱
有帝王氣中宗乃幸池上結綵為樓宴侍臣泛舟戲象
以厭之上即位宋王成器等累表請以舊宅為宮制曰
朕昔與兄弟聯居藩邸虔奉聖訓遂膺昌期嘗思鄂杜
之游頗有芒碭之氣王等固陳符瑞取則不遠擬備巡

歷代帝王宅京記卷六

六

朱氏槐廬校刊

幸推而勿居式遵故事宜依今請於是以舊宅為宮慶興

宮謂之南內在皇城中南距京城之東直東內之南自東內達南內有夾城複道經通化門達南內人主往來

兩宮外人仍各賜成器等宅環於宮側甯王岐王宅皆

薛王宅在勝業坊二坊皆在興慶宮西甯王即宋王也

積善坊五人分院同居號五王宅大足元年從幸西京

賜宅於興慶坊亦號五王宅及先天之後興慶是龍潛

王範於安興坊東南賜宅薛王業於勝業西北角賜宅

環於宮側又於宮西南置樓題其西曰花萼相輝之樓

南曰勤政務本之樓上或登樓聞王奏樂則召升樓同

宴或幸其所居盡歡賞賚優渥帝戒諸王曰奉先帝宮

室不敢有加時時補葺已愧於勞人矣惟興慶創制乃
朝廷百辟卿士以吾舊邸因欲修建不免羣卿考室之

詞卽庶民子來之請亦所以表休徵之地新作南樓本欲察眈俗來風謠以防壅塞是亦古闢四門達四聰之意時有作樂宴會不徒然也今因大哥讓朱邸以成花萼相輝之美歷觀自古聖帝明王有所興作欲以助教化也吾所冀者式崇敦睦漸漬薄俗令其人信厚耳

十一年冬十月丁酉作溫泉宮於驪山雍錄曰驪山溫湯在臨潼縣南

一百五十步直驪山之西北十道志曰泉有三所其一處卽皇堂石井後周宇文護所造隋文帝又修屋宇並植松柏千餘株貞觀十八年詔闔立本營建宮殿賜名湯泉宮是年更名溫泉宮而改作之

十九年夏六月詔修理兩都街市溝渠橋道

二十四年夏六月廣花萼樓築夾城至芙蓉園是年十月

東市東北角道坊西北角以廣花萼樓前

歷代帝王宅京記卷六 七

朱氏槐廬校刊

二十六年春正月修望春宮

冬十月詔於西京東都往來之路作行宮千餘間

二十八年春正月於兩京路及城中苑內種果樹鄭審有奉

使巡檢兩京路種果樹事畢入秦詩

天寶元年冬十月作長生殿名曰集靈臺以祀神

三載冬十二月癸巳置會昌縣於溫泉宮下

六載冬十月改溫泉宮爲華清宮十二月壬戌發馮翊

華陰等郡民夫築會昌城置百司王公各置地舍土畝

直千金

七載冬十二月戊戌或言元元皇帝降於朝元閣上於華清

宮中起老君殿殿之北爲朝元閣制改會昌縣曰昭應朝元閣曰降聖

八載夏四月作觀風樓在華清宮

五月作振旅亭在開遠門外

十載夏四月作交泰殿在興慶宮

十二載冬十月和雇京城戶丁一萬三千人築興慶宮

牆起樓觀

肅宗乾元元年春正月改丹殿門為明鳳門安化門為達禮門安上門為先天門京城及坊門名有安字者悉改之

代宗廣德元年秋九月築城內六街種植初諸軍使以時艱歲儉奏耕京城六街之地以供芻至是禁之

永泰二年春正月敕脩國子學祠堂論堂六館院及官

歷代帝王宅京記卷六 八

朱氏槐廬校刊

吏所居廳宇用錢四萬貫拆曲江亭子瓦木助之八月成

種城內六街樹禁侵街築垣舍者中朝故事云天街兩

曲江池畔多柳亦號為柳衙以其成行排立也駱賓王詩楊溝連鳳闕槐路擬鴻都舊書吳湊傳云官街樹缺所司植榆以補之湊曰榆非九衢之玩亟命易之以槐及槐陰成而湊卒人指樹而懷之

九月庚申京兆尹黎幹以京城薪炭不給奏開漕渠自南山谷口入京城至薦福寺東街北抵景風延喜門入苑闊八尺深一丈渠成是日上御安福門以觀之

大曆二年秋七月丁卯魚朝恩奏以先所賜莊為章敬寺以資章敬太后冥福上母吳后諡章敬仍請以章敬為名復

加興造窮極壯麗以城中材木不足充費乃奏壞曲江

亭館華清宮觀樓及百司行廨將相沒官宅給其用費

逾萬億坊龍華尼寺南有流水屈曲謂之曲江此地

秦為宜春苑陞州在漢為樂遊園開元疏鑿遂為勝境

其南有紫雲樓芙蓉苑其西有杏園慈恩寺江側菰蒲

波蔥翠柳陰四合碧波紅蕖依映可愛

德宗貞元三年作元英門及觀於大明宮北垣

四年春二月築延喜門北複道屬於永春門

三月築武德東門垣約左藏庫之北屬宮城東垣因廢

武庫以器械隸於軍容使

八年春正月新作元武門及庶會鞠場

十二年秋八月庚午增修望僊門廣夾城十王宅元宗

傳先天之後皇子幼則居內東封年以漸成長乃於安國寺東附苑城同為大宅分院居位十王宅令中官押

歷代帝王宅京記卷六 九

朱氏槐廬校刊

之於夾城中起居每日家令棣鄂榮光引詞學工書之人入教謂之侍讀十王謂慶忠棣鄂榮光儀穎永延濟蓋舉全數其後盛義忠壽繼大統天寶中慶棣又封入宅議等十成王居院而府幕列於外方特通名起居而已外諸孫又於宮中置維城庫諸王每月俸物約之而給用諸人又有十王院百孫院宮人每月物約之而給用諸孫納妃嫁女亦就宅中太子不居於東宮但居於乘輿所幸又別院太子亦分院而居婚嫁則同親王公主在於崇仁院

十三年春三月戊子造會慶亭於麟德殿前

夏六月辛巳引龍首渠水自通化門入至太清宮前

秋七月壬辰浚魚藻池

八月丁巳詔曰昆明池附近都城古之舊制蒲魚所產

實利於人令京兆尹韓皋充使疏浚并修石炭賀蘭二

堰冬十一月工成

十九年春二月丁亥修含元殿

憲宗元和二年夏六月丁巳朔始置百官待漏院於建福門外故事建福望仙等門昏而閉五更而啟與諸坊門同時至德中有吐蕃囚自金吾仗亡命因敕晚開門宰相待漏於太僕寺車坊至是始令有司據班品置院丙子左神策軍新築夾城別門曰元化建樓曰晨耀

三年冬十月修南內殿及勤政樓明光樓

六年夏五月毀安興門南竹亭

八年秋七月癸酉修興唐觀北距禁城開複道以通行幸

歷代帝王宅京記卷六

十

朱氏槐廬校刊

九年夏六月置禮賓院於長興里北

十二年夏四月築夾城自雲韶門芳林門西至修德里以通於興福寺又置新市於芳林門南

五月己酉作蓬萊池周迴廊四百間

十三年春二月詔六軍使修麟德殿浚龍首池起承暉

殿作裴度傳

雕飾綺煥徙佛寺之花木以充焉

大明宮東面有

苑苑中有龍首殿龍首池龍首渠水自城南而注入於此池宋白曰龍首殿在右軍

十四年春正月徙置仗內教坊於延政里

十五年秋七月作永安殿寶慶殿修日華門通乾門

穆宗長慶元年夏五月辛亥於禁中造百尺樓

文宗太和元年夏四月壬寅詔毀昇陽殿東放鴨亭戊

申毀望僊門側看樓十間並敬宗所造也

秋八月癸卯詔毀如京倉以其地歸門下省寶厯末好廣苑圍門下省馬廐因通入禁中至是還之

二年秋八月修安福樓及兩儀殿甘露殿

九月築昭慶門內西牆

九年春正月辛卯發左右神策軍千五百人浚曲江及

昆明池

昆明池見上長安志曰今為民田夫既可以為民田則非有水之地矣然則漢於何地取水長

安志引水經注曰西南三水至石竭武明之周三百餘頃有石闢堰在縣西三十二里則昆明之流尚可壅激以爲者用此堰於是並城疏別三派其下外皆賴之此池仍爲都城之用於豐鎬二水皆初仍自壅堰未廢至文宗而猶嘗加濬也然則圖經之作當在文宗後故竭而爲田也

歷代帝王宅京記卷六

十二

朱氏槐廬校刊

二月敕都城勝賞之地唯有曲江承平以前亭館接連

近年廢毀思俾葺修已令所司芟諸栽植其諸司如有

力及要創置亭館者給與間地任其營造

雍錄唐曲江本秦隄州至

漢爲樂遊苑基地最高四望寬敞隋營京城不爲居人坊其地在京城東南隅地高不便故闕此地不爲居人坊巷而鑿爲池以厭勝之又會黃渠水自城外南來故隋世遂從城外包之入城爲芙蓉池且爲芙蓉園也漢武帝時池周回六里餘唐周七里坊龍華寺之南又加展拓矣其地在城東南昇道坊龍華寺之南

秋七月毀銀臺門起修三門樓詔發左右軍二千人填

龍首池以爲鞠場庚戌建紫雲樓於曲江

九月帝幸右銀臺門觀工發左右神策軍一千五百人

浚曲江及昆明池

十月乙亥內出曲江新造紫雲樓彩霞亭額左軍中尉

仇士良以鼓吹迎於銀臺門

鄭注傳曰注言秦中有災宜興工役以禳之文宗能詩常吟杜甫江頭篇云江頭宮殿數千門細柳新蒲爲誰綠始知天寶以前曲江四岸有樓臺行宮廨署心竊慕之既得注言卽命左右神策軍差人淘曲江昆明二池仍許公卿士大夫之家於江頭立亭館以

時追賞

通鑑十二月甲申
敕罷修曲江亭館

武宗會昌元年春三月建靈符應聖院龍首池

三年夏五月築望仙館於禁中

五年春正月己酉朔敕造望仙臺於南郊壇

夏六月神策奏修望仙樓及廊舍五百三十九間功畢

歷代帝王宅京記卷六

十二

朱氏槐廬校刊

宣宗大中元年春二月修百福殿院

秋八月神策軍奏修百福殿成名其殿曰雍和殿樓曰親親樓凡廊舍屋宇七百間以會諸王子孫

二年春正月神策軍修左銀臺門樓屋宇及南面城牆至睿武樓

五年修明儀樓

僖宗光啟三年六月丙辰太常禮院奏太廟十一室并祧廟八室孝明太后等別廟三室自車駕再幸山南並經焚毀神主失墜今大駕還京宜先葺宗廟神主然後還宮遂詔修奉太廟使宰相鄭延昌修奉是時宮室未完國力方困未暇舉行舊制延昌請權以少府監大廳

爲太廟太廟凡十一室三十三間二十一架今監五間
請添造成十一間以備十一室之數敕曰敬依典禮

新唐書地理志曰上都初曰京師天寶元年曰西京

會要

開元元年十二月三日改爲京兆府至德二載曰中京十二月十五日上元二年

復曰西京九月十一日肅宗元年曰上都建卯月一日

皇城長千九百一十五步廣千二百步宮城在北長千
四百四十步廣九百六十步周四千六百六十步其崇
三丈有半龍朔後皇帝常居大明宮乃謂之西內神龍
元年曰太極宮大明宮在禁苑東南西接宮城之東北
隅長千入百步廣千八十步曰東內本永安宮貞觀八
年置九年曰大明宮以備太上皇清暑百官獻貲以助

歷代帝王宅京記卷六

十三

朱氏槐廬校刊

役高宗以風痺厭西內湫溼龍朔三年始大興葺曰蓬
萊宮咸亨元年曰含元宮長安元年復曰大明宮興慶
宮在皇城東南距京城之東開元初置至十四年又增
廣之謂之南內二十年築夾城入芙蓉園京城前直子
午谷後枕龍首山左臨灞岸右抵灃水其長六千六百
六十五步廣五千五百七十五步周二萬四千一百二
十步其崇丈有八尺

京兆府

萬年縣有南望春宮臨灃水西岸有北望春宮宮東
有廣運潭舊唐書韋堅傳曰天寶元年擢爲陝郡太
守水陸轉運使自西漢及隋有運渠自關門西抵長

安以通山東租賦堅奏請於咸陽壅渭水作興成堰截灞澹水傍渭東注至關西永豐倉下與渭合於長安城東九里長樂坡下澹水之上架苑牆東面有望春樓樓下穿潭以通舟楫三年而成堅預於東京汴宋取小斛底船二三百隻置於潭側其船皆署牌表之樓下連檣彌亘數里觀者山積堅跪上諸郡輕貨又上百牙盤食元宗歡悅賜名廣運潭

長安縣有大安宮本宏義後更名南五十里太和谷有太和宮武德八年置貞觀十年廢二十一年復置曰翠微宮籠山爲苑元和中以爲翠微寺天寶二年尹韓朝宗引渭水入金光門置潭於西市以貯材木

歷代帝王宅京記卷六

十四

朱氏槐廬校刊

大歷元年尹黎幹自南山開漕渠抵景風延喜門入苑以漕炭薪

咸陽縣有望賢宮

興平縣西八十里有隋仙林宮

渭南縣西十里有遊龍宮開元二十五年更置東十五里有隋崇業宮

昭應縣有宮在驪山下貞觀十八年置咸亨二年始名溫泉宮天寶六載更名華清宮池湯井爲池環山列宮室又築羅城置百司及十宅

高陵縣西四十里有龍躍宮武德六年高祖以舊第置德宗以爲修真觀

藍田縣永淳元年作萬全宮宏道元年廢

鄂縣東南三十里有隋太平宮西南二十二里有隋甘泉宮武功縣有慶善宮臨渭水武德元年高祖以舊第置宮後廢爲慈德寺

華原縣有永安宮長安二年置有蒲萄園宮

華州

鄭縣東北三里有神臺宮本隋普德宮咸亨二年更名

華陰縣西十八里有瓊岳宮故隋華陰宮顯慶三年更名東十三里有隋金城宮武德三年廢顯慶三年復置

歷代帝王宅京記卷六

十五

朱氏槐廬校刊

同州

馮翊縣南三十二里有興德宮在志武里高祖將趨長安所次

朝邑縣有長春宮

鳳翔府

麟遊縣西王里有九成宮本隋仁壽宮義甯元年廢貞觀五年復置更名永徽二年曰萬年宮乾封二年復曰九成宮周垣千八百步并置禁苑及府庫官寺等又西三十里有永安宮貞觀八年置

盩厔縣有司竹園東南三十二里有隋宜壽宮有樓觀老子祠

坊州

宜君縣有仁智宮北四里鳳凰谷有玉華宮永徽二年廢為玉華寺

唐六典曰京城左河華右隴坻前終南後九畹南面三門中曰明德左曰啟夏右曰安化東面三門中曰春明北曰通化南曰延興西面三門中曰金光北曰

開遠南曰延平今京城隋文帝開皇二年六月詔左僕射高穎所置南直終南山子午谷

北據渭水東臨川劉龍工部尚書賀世子幹文愷創制規謀將作大匠劉龍工部尚書賀世子幹文愷

少卿高龍又並充檢校至三年三月移入新都焉名曰大興城東西十八里一百一十五步南

南北九坊五步之牆高一丈八尺皇城兩市居四方之

地凡取一百一十坊為興慶宮皇城在京城之中東西

歷代帝王宅京記卷六

朱氏槐廬校刊

一百一十五步謂北三里南面三門中曰朱雀左曰

安上右曰含光朱雀門正南當明德門正北當承天

門東面二門北曰延喜南曰景風延喜門則承天門

門西面二門北曰安福南曰順義安福門西其中左

宗廟在安上門右社稷在含光門百僚廨署列乎其

間凡省六寺九臺一監四衛十有八六省謂尚書中

中內侍省九寺謂太常宗正司農太府鴻臚衛尉光

祿太僕大理寺一臺謂御史臺四監謂少府將作國

子都水監十八衛謂左右衛左右領軍左右金吾衛左右驍衛

千牛衛左右羽領軍衛今按中書門下凡有三所並

城之東西左右羽林東宮官屬凡府一坊三寺三率府十家一府謂更僕寺十三坊謂左右春衛內坊左右清

道內率府左右司禦門率府左宮城在皇城之北南面三

門中曰承天東曰長樂西曰永安承天門隋開皇二年作初曰廣陽門

仁壽元年改曰承天門昭陽門武德元年改曰順天門神龍元年改曰承天門

安唐故城東南移於唐興村置新都今西內承天門正當唐興村門有大槐樹柯枝森鬱即村門樹也

高祖常坐此樹下去之太宗曰若元正冬至大陳設燕

會赦過宥罪除舊布新受萬國之朝貢四夷之賓客

則御承天門以聽政蓋古也其北曰太極門其內曰

大極殿朔望則坐而視朝焉蓋古之中朝也隋曰大興殿煬帝改曰

度福門貞觀八年改曰太極門武德元年改曰太極殿有東上西上二閣門東西廊左延明右延明二門

次北曰朱明門左曰虔化門右曰肅章門肅章之西

曰暉政門虔化之東曰武德西門其內有武德殿又北

歷代帝王宅京記卷六 十七 朱氏槐廬校刊

曰兩儀門其內曰兩儀殿常日聽朝而視事焉蓋古

朝也隋曰中華殿貞觀五年改為兩儀殿承天門之東曰長樂門北入恭禮門又北入虔化門則宮內也

承天門之西曰廣運門永安門北入兩儀殿之東曰

萬春殿西曰千秋殿兩儀之左曰獻春門右曰宜秋

門宜秋之右曰百福門其內曰百福殿百福殿之西

曰承慶門內曰承慶殿獻春之左曰立政門其內曰

立政殿立政之東曰大吉門其內曰大吉殿兩儀之

北曰甘露門其內殿甘露曰左曰神龍門其內曰神

龍殿右曰安仁門其內曰安仁殿又有興仁宣猷崇

正禮宣光通福光昭嘉猷華光暉儀壽安綏福等門薰風就日翔鳳咸池臨昭望仙鶴羽乘龍等殿凌煙

等翔閣大明宮在禁苑之東南西接宮城之東北隅龍

二年高宗於此置宮南面五門正南曰丹鳳門東曰望

卑溼乃於此置宮南面五門正南曰丹鳳門東曰望

僊門次曰延政門西曰建福門次曰興安門城南當皇

三年門舊京城入苑之北門開皇丹鳳門內正殿曰含

元殿尺殿南去丹鳳門四百餘步東西廣五百步今餘

正冬至也於夾殿兩閣左曰翔鸞閣右曰棲鳳閣與殿

此聽朝也於夾殿兩閣左曰翔鸞閣右曰棲鳳閣與殿

相即朝堂肺石登聞鼓如承天之制閣其北曰宣政

門門外東廊曰齊德門西廊曰興禮門內曰宣政殿

殿前東廊曰日華門門東門下省省東南北街南直

含輝門出昭訓門宣政殿前西廊曰月華門門西中

書省省西南北街南直昭慶門出光範門宣政之左

曰東上閣右曰西上閣次西曰延英門其內之左曰

歷代帝王宅京記卷六

朱氏槐廬校刊

延英殿右曰含象殿宣政北曰紫宸門其內曰紫宸

殿正殿南朝也殿之南面紫宸門左曰崇明門右曰光順

門殿之東曰左銀臺門西曰右銀臺門次北曰九仙

門殿之北面曰元武門左曰銀漢門右曰青霄門其

又有麟德凝霜承歡長安仙居拾翠碧羽金鸞蓬萊

含涼珠境三清含水水香紫蘭亭殿元武明儀大角

等觀鬱儀結璘承興慶宮在皇城之東南東距外郭

城東垣四年今上龍潛舊宅也開元初以爲離宮至十

宮東夾羅城復道經焉宮之西曰興慶門其內曰興慶

殿即正衙殿次南曰金明門門內之北曰大同門其

內曰大同殿宮之南曰通陽門北入曰明光門其內

曰龍堂通陽之西曰花萼樓樓西即甯王第故取詩

樓西曰明義門其內曰長慶殿宮之北曰躍龍門其內左曰芳苑門右曰麗苑門南走龍池曰瀛洲門內曰南薰殿瀛洲之左曰仙雲門北曰新射殿又有同光承雲初陽飛軒玉華等門飛仙交泰同光榮光等殿初上居此第其里名協聖諱所居宅之東有舊井忽湧爲小池周袤纔數尺常有雲氣或見黃龍出其中至景龍中潛復出水其沼浸廣時卽連合爲一未半歲而里中人悉移居遂鴻洞爲龍池焉蓋符命之兆也禁苑在大內宮城之北北臨渭水東距滻川西盡故都城其周一百禽獸蔬果莫不毓爲若祠禴蒸嘗四時之薦蠻夷戎狄九賓之享則蒐狩以爲儲供焉

五代

冊府元龜曰後梁太祖開平元年夏四月戊辰廢西京

歷代帝王宅京記卷六

十九

朱氏槐廬校刊

以京兆府爲大安府置佑國軍

三年秋七月庚午改佑國軍爲永平軍

後唐莊宗同光元年冬十一月辛酉復以永平軍大安府爲西京京兆府

二年八月壬午西京奏重修華清宮溫湯屋宇

後晉高祖天福三年冬十月丙辰廢西京爲晉昌軍

後漢高祖乾祐元年春三月改晉昌軍爲永興軍

舊唐書地理志苑城東西二十七里南北三十里東至灞水西連故長安城南連京城北枕渭水苑內離宮亭觀二十四所漢長安故城東西十三里亦隸入苑中苑置四面監總監以掌種植

康駢劇談錄曰含元殿國初建造鑿龍首岡以爲基
趾形墀釳砌高五十餘尺左右立棲鳳翔鸞二闕龍
尾道出於闕前倚欄下瞰前山如在諸掌殿去五門
二里每元朔朝會禁軍與御仗宿於殿庭金甲葆戈
雜以綺繡羅列文武纓珮序立蕃夷酋長仰觀玉座
若在霄漢

又曰曲江池本秦世隄州開元中疏鑿遂爲勝境其
南有紫雲樓芙蓉苑其南有杏園慈恩寺花卉環周
烟水明媚都人遊翫盛於中和上巳之節綵幄翠幃
匝於堤岸鮮車健馬比肩擊轂上巳卽賜宴臣僚京
兆府大陳筵席長安萬年兩縣以雄盛相較錦繡珍

歷代帝王宅京記卷六

二十

朱氏槐廬校刊

玩無所不施百辟會於山亭恩賜太常及教坊聲樂
池中備綵舟數隻唯宰相三使北省官與翰林學士
登焉每歲傾動皇州以爲盛入夏則菰蒲葱翠柳陰
四合碧波紅蕖湛然可愛

宋史宋庠傳論唐入閣儀曰入閣乃唐隻日於紫宸
殿受常朝之儀也唐有大內又有大明宮宮在大內
之東北世謂之東內高宗以後天子多在大明宮宮
之正南門曰丹鳳門門內第一殿曰含元殿大朝會
則御之第二殿曰宣政殿謂之正衙朔望大冊拜則
御之第三殿曰紫宸殿謂之上閣亦曰內衙隻日常
朝則御之天子坐朝須立仗於正衙殿或乘輿止御

紫宸卽喚仗自宣政殿兩門入是謂東西上閣門也
又按唐自中葉以還雙日及非時大臣奏事別開延
英殿若今假日御崇政延和是也乃知唐制每遇坐
朝日卽爲入閣其後正衙立仗因而遂廢甚非禮也

歷代帝王宅京記卷六終

歷代帝王宅京記卷六

二十一

朱氏槐廬校刊